



KNI



Ukiup affaanut nalunaarut

KNI A/S

2016/17

1. april - 30. september 2016

Imarisai

Qupperneq

Suliffeqarfik pillugu paasisutissat	1
Aqutsisoqatigiit atsiorneri	2
Kisitsisit pingaarnerit aallavissallu	3
Aqutsisut nalunaarutaat	4
Suliffeqarfissuup aaqqissuussaanera	5

Suliffeqarfik pillugu paasissutissat

Suliffeqarfiup aqqa: **KNI A/S**
Ulluinnarni taaguutit: Pilersuisoq A/S (KNI A/S)
Polaroil A/S (KNI A/S)

Najugaqarfia: J. M. Jensenip 2
Postboks 319
3911 Sisimiut

Nalunaarsuutini normua 209.713
GER - normua 1660 7398
CVR/SE - normua 1660 7398
Kommuneqarfik najugaq: Qeqqata Kommunian

Oqarasuaat +299 86 24 44
Telefax (+299) 86 62 63
E-mail kni@kni.gl
Nittartagaq www.kni.gl

Piginnittut:

Namminersorlutik Oqartussat, Postboks 1015, 3900 Nuuk - (100 % piginneqataassutigalugit)

Siulersuisut:

Niels Thomsen, siulittaasoq
Høgner Hansen, siulittaasup tullia
Bodil Nyboe Andersen
Annette K. Sadolin
Najaaraq Christiansen
Søren Jakobsen
Inger Eriksen (*sulisut qinigaat*)
Mikol Heilmann (*sulisut qinigaat*)
Dorthea Isaksen (*sulisut qinigaat*)

Aqutsisut

Pisortaaneq / CEO Peter Grønvold Samuelsen

Kukkunersuisut:

Deloitte Statsautoriseret Revisionspartnerselskab

Aqutsisoqatigiit atsiorneri

Piffissami 1. aprili – 30. septemberi 2016 KNI A/S-ip ukiup affaanut siullermut nalunaarusiaq ul-lumikkut ulloq siulersuisut aqutsisullu akuerereersimalerpaat.

Ukiup affaanut nalunaarusiaq kukkunersiugaananilu kukkunersiuisutigoortinneqarnikuunngilaq.

Ukiumoortumik nalunaarut ukiumoortumik naatsorsuutit pillugit inatsit tunngavigalugu suliarineqarpoq.

Ukiup affaanut nalunaarutip suliffeqarfissuup pigisai aningaasanik nalillit, akiligassaatit, 30. september 2016-imilu aningaasaataasa killiffiat, kiisalu piffissami 1. aprili – 30. septemberi 2016-imut suliffeqarfissuup suliaqarneratigut angusanik ersarissumik tikkuussisuusut qularutiginnngilarput.

Ukiup affaanut naatsorsuutit suliarineqarnerisa ullullu oqimaaqatigiissitsiffiusup kingornatigut im-mikkut pisimasoqanngilaq, ukiup affaanut nalunaarusiamik misinnartumik allanngortitsisumik.

Sisimiut ulloq 7. december 2016

Direktion:



Peter Grønvold Samuelson

Bestyrelse:




Niels Thomsen
Formand




Høgni Hansen
Næstformand



Bodil Nyboe Andersen



Annette K. Sadolin



Najaaraq Christiansen



Søren Jakobsen



Inger Eriksen



Mikol Heilmann



Dorteia Isaksen

Kisitsisit pingaarnerit aallaavissallu

Kisitsisit pingaarnerit (mio. kr.)	1/4 - 30/9	1/4 - 30/9	1/4 - 30/9	1/4 - 30/9	1/4 - 30/9
	2016/17	2015/16	2014/15	2013/14	2012/13
Angusat:					
Ilanngaasereerlugit kaaviiartitat	1.220,8	1.217,1	1.260,6	1.255,6	1.295,0
Pingaarnertut ingerlatanit angusat (EBIT)	84,6	79,5	69,7	43,6	50,5
Aningaasanik nalilitsigut angusat	(19,5)	(22,0)	(23,0)	(19,1)	1,0
Akilerarut sulii akilernagu angusat	65,1	57,5	46,7	24,5	51,5
Piffissami angusat	65,1	57,5	46,7	24,5	51,5
Oqimaaqatigiissitsineq:					
Sanaartugaatit nalingi	937,0	927,7	937,7	944,9	861,3
Nioqqutissat uninngasuutit	1.244,7	1.210,3	1.152,4	1.026,6	981,1
Nioqqutissarsisisatta akiitsui	87,2	94,1	99,3	131,3	158,6
Nammineq aningaasaatit	1.109,5	896,3	1.040,0	885,0	1.032,9
Oqimaaqatigiissaakkat katillugit naligi	2.534,4	2.485,2	2.308,4	2.178,9	2.191,1
Sanaartukkanut aningaasaliissutit	47,1	35,6	38,7	70,6	100,4

Kisitsisit paasissutissat:	1/4 - 30/9	1/4 - 30/9	1/4 - 30/9	1/4 - 30/9	1/4 - 30/9
	2016/17	2015/16	2014/15	2013/14	2012/13
EBIT - margin (%)	6,9 %	6,5 %	3,5 %	3,9 %	4,4 %
Aningaasaliissutinit pissarsiat (%)	9,7 %	10,3 %	8,8 %	8,9 %	9,2 %
Ilanngaasereerlugit pissarsiat/aningaasaatinit pissarsiat	1,0	1,1	1,3	1,4	1,4
Attartorluni aningaasalersuutit	0,7	1,0	0,8	0,7	0,6
Namminerisamik aningaasaatit erniaat (%)	5,9 %	6,4 %	4,5 %	2,8 %	5,0 %
Akiliinnaassuseq (%)	43,8 %	36,1 %	45,0 %	40,6 %	47,1 %
Akiitsut ernialersorneqartut /EBITDA	6,8	7,6	8,6	10,9	8,9

Aqutsisut nalunaarutaat

Sammasat pingaarnertit

Pingaarnertut ingerlatat KNI A/S-ip ingerlatai Inatsisartut peqqussutaat nr. 4 ulloq 6. juni 1997-imeersaq, Inatsisartut peqqussutaat nr. 1 ulloq 31. maj 2001-imeersaq aamma Inatsisartut peqqussutaat nr. 7 ulloq 14. november 2004-meersaq tunngavigalugit ingerlanneqarput.

KNI kalaallit suliffeqarfiutigaat Kalaallit Nunaanni inuuniarnikkut kultoorikkullu naleqartitanik ataqinnit-tumik toqqammavilik, inuiaqatigiillu kalaallit imminnut tapertareqatigiittariaqarnerannik toqqammaveqarluni niuernermit ingerlatsiffiusoq. Pitsaassuseq, isumannaassuseq, avatangiisinik eriaGINNINNEQ pitsaanerpaamil-lu kiffartuussiumassuseqarneq KNI-p suliaqarfiini tamani ilisarnaataapput.

Suliffeqarfiup sinneqartooruteqarnissi anguniarppaa, taamaalilluni isumagisassaminik naammassinnissinnaa-juaannarnissi qulakkeerumallugu, isumannaatsumik aningaasatigut tunngavissaqarumalluni; ilaatigut aserfal-latsaaliuinissamut, akiliisinnaassuseqarnissamut aningaasanillu tigoriaannarnik pigisaqartariaqarnissamut piumasaaqatit naammassinnajaumallugit.

Suliffeqarfiup suliarisai anguniagaalu makkunuunatigut qulakkeerniarneqarput:

- Sulisut sullitanut qanittumiittut sapinngisamik aalajangiisinnaassuseqartinnerisigut.
- Suliffeqarfiup immikkoortuini tamani sulisorisat piginnaanngorsarluarnerisigut, piginnaatitaaneq akisus-saaffillu imminnut malittariitinnerisigut.
- Siunnerfiit, periusissiat iliuusissallu ingerlaavartumik malittarinnerisigut uppersarnerqarsinnaasumillu ineriartorfiuneri uuttorneqarsinnaatinnerisigut.
- Niuernermi immikkoortut pioreersut ineriartorteqqinnerisigut niuillaqqissuseq, kiffartuussilluarneq naammassisaqarsinnaassuserlu iluaqutigalugit.
- KNI A/S-imi aningaasartuutit sukangasumik erseqqissumillu aqutsilluartoqarneratigut.
- KNI A/S suliffiussaaq pitsaasoq orniginartorlu sulisumik piginnaanngorsaanermik sulium-assuseqarnermillu aallussiviusoq.
- Aqutsinermi atortorissaarutit sulisunut atoruminartuussapput, pisariitsuullutik pisariaqanngitsumillu aningaasartuutaanatik. Ingerlatsinermi isumannaassuseq KNI A/S-imut pingaarnertuvoq teknikkikkut atortorissaarutit nutaaliaanerpaat piginissaanninngarnit.
- KNI A/S-ip erseqqissumik siunnerfilimmillu suliffeqarfiup periusissiai paasissutissiissutigerusuppai Tamanna pissaaq piginnittunut, sulisorisanut Kalaallit Nunaannilu inuiaqatigiinnut.

Suliffeqarfissuup immikkoortuini pingaarnerni marlunni 2016/17-imi ukiup affaani ukuusimapput.

Nioqqutissanik ingerlatsiviit:

- Nunaqarfinni illoqarfinnilu nioqquteqarneq engros-millu tunissat.
- Immiaaqqanik imeruusaatinillu siammarterineq engros-millu tunisat.
- Suleqatit isumaqatigisanut nunaqarfinni sumiiffinnilu isorliunerusuni kiffartuussilluni tunisat.

Ikummatissaqarnermik ingerlatsivik:

- Ikummatissanik imerpalasunik eqqussuineq, siammarterineq tunisinerlu.
- Perrasaatinik, gassinillu puiaasaniittunik suliffissuillu atugassaannik eqqussuineq, siammarterineq tu-nisinerlu

KNI-ip isumagisassaasa ilai nalinginnaasumik niuernerpalaartumik taamaallaat aallaaveqarluni naammassinneqarsinnaanngillat. Taamaattumik Namminersorlutik Oqartussat kiffartuussinissamut isumaqatigiissusiortoqarsimavoq, inuiaqatigiinnit isumageqquneqartut isumagineqartarnissaat pillugu.

Kiffartuussinissamut isumaqatigiissut ullumikkut atuuttoq piffissami 1. april 2012 - 31. december 2016-imut atuuttussaavoq.

Kiffartuussinissamik isumaqatigiissusiornikkut taamaalilluni KNI pisussaaffilerneqarpoq nunaqarfinni illoqarfinnilu inukinnerusuni nioqqutissanik pilersuineramik pisiniarfeqarnermillu ingerlatsinissamut, tamakunani imminut akilersinnaasumik ingerlatsisoqarsinnaanngikkaluarmat.

Taamatuttaaq piffissami 1. april 2012 – 31. december 2016 atuuttussamik Kalaallit Nunaanni tamarmi ikummatissamik pilersuinissamik isumaqatigiissusiortoqarnikuuvoq, tamanna pillugu akiliisoqarneq ajorpoq, kisiannili ikummatissamik pilersuinermit sinneqartoorutit qummut killiffissalernerqarsimapput.

KNI aamma allanut isumaqatigiissuteqarnermigut nunaqarfinni illoqarfinnilu sisamani isorliunerusuniittuni inuiaqatigiinni kiffartuussinissamik isumagisassat pillugit sullissisussaavoq, soorlu Nunarput tamakkerlugu engros- mik ingerlataqarpoq, Kangerlussuarmi akitsuutitaqanngitsunik pisiniarfeqarneq, umiarsuarnut aatsitassarsiorfinnullu ikummatissamik pilersuineq.

Piginnittuuneq

KNI A/S Kalaallit Nunaanni Namminersorlutik Oqartussanit 100 %-mik pigineqarpoq – piginneqataassutit DKK 310 mio.-iupput.

Suliffeqarfissuup aaqqissuusaanera


Suliffeqarfii suliffeqarfissuup ataaniittut:

KNI A/S ullormi naliliiffimmi Neqi A/S-p aktiaataanik 100 %-mik piginnittuuvoq (piginneqataassutit 0,6 mio. koruuniupput) kiisalu KNI Ejendomme A/S pigineqataaffigalugu (piginneqataassutit 1,0 mio. koruuniupput).

Tamakkua saniatigut KNI A/S ullormi naliliiffiusumi piginneqatigiiffimmik Akia Sisimiut A/S-imik, 82,5 %-imik piginneqataavoq (piginneqatigiissutit 3,0 mio. koruuniupput).

Suliffeqarfii allat:

Pitsaasut ApS 50 %-ia KNI-mit pigineqarpoq, (piginneqataassutit 80 t. DKK).




Source: KNI

Piffissaq naatsorsuuteqarfiusoq naatsumik oqaaseqarfigalugu

Una ukiup affaanut ilisimatitsissut 1. aprili 2016-imiit 30. september 2016-imut tunngavoq.

2016/17 ukiup affaani siullermi kaaviiartitat 1.220 mio. DKK-iupput, imaluunniit 2015/16-imi ukiup affaani siullermi kaaviiartitanut sanilliullugit 4 mio. DKK-nik amerleriarlutik.

Ukiuni kingullerni tallimani ukiup affaani kaaviiartitat imatut isikkoqarput.




Matuma qulaani takutinneqartut piffissami kaaviiartitanit tamarmiusunit 700 mio. DKK-it nioqqutissanik pilersuinermeersuupput 515 mio. DKK-illu ikummatissaarniarnerminngaaneerlutik. Ukiup siulianut piffissamut sanilliullugu nioqqutissanik pilersuinermi kaaviiartitat 7,7 %-mik qaffariarput, ikummatissaarniarnermili kaaviiartitat 8,0 %-imik appariaateqarlutik.

Nioqqutissanik pilersuinermi kaaviiartitat qaffariaateqarnerat annermik tunngaveqarpoq pisiniarfinni ingerlatsinermit, qaffariaat 9,0% -iulluni, engros-milli ingerlatat 5,6 %-imik qaffarialaarlutik.

Ikummatissaqarnermik ingerlatsivimmi kaaviiartitat appariarnerat ikummatissamik literinngorlugu kaaviiartitat ikinneruneranik tunngaveqarpoq, aammali nunarsuarmi uuliap akiata appasinerunera peqqutaqaataluni

Ukiup naatsorsuuteqarfiusup 2016/17-ip affaani siullermik KNI akilerarut suli ilanngaatinagu 65,0 mio. DKK-nik sinneqartooruteqarpoq, sinneqartoorutit 2015/16-imi 574 mio. DKK-iusimallutik. Sinneqartoorutit ukiuni kingullerni tallimani ukiup affaanoortut matuma ataani takuneqarsinnaapput.



Ukiumi naatsorsuuteqarfiusumi 2015/16-ip ukiup affaani siullermi naatsorsuutitigut angusanut sanilliullugu angusat 7,6 mio. DKK-nik pitsanngoriaataasup annerpaamik nioqqutissanik pilersuinnerminngaanneerpoq. Nioqqutissanik pilersuinnermi angusat 5,1 mio. DKK-nik pitsanngoriaateqarput, ikummatissaarniarnermilu angusat 2,5 mio. DKK-nik pitsanngoriaateqarlutik. Suliffeqarfiup ingerlataani angusat ukiup naatsorsuiffiup siulianut sanilliullugu allanngorsimangillat.

Suliffeqarfiup naatsorsuutitigut angusarissaarnerulernera pissutsinik pingasunik ukunannga pissuteqarpoq:


- Periusissiorsimanagerup sunniuteqarluartuarnera
- Suleriaatsinik pitsanngorsaajuarnep ukkanneqartuarnera
- Aningaasanik erniakinnerusumik attartorsinnaasimaneq

Qulaani taakkartorneqartut saniatigut piffissami pineqartumi aningasartuutit aqutsinerup ukkanneqarnera ingerlatiinnarneqarpoq. Aningaasartuutit aqutsinerup kinguneraa aningaasartuutit amerlassusaat ukiup siuliani aningaasartuutaasimasut amerlaqataani aningaasartuuteqarpoq, naak ukiumi naatsorsuiffiusumi matumani siusinnerusukkat ingerlanneqarnikuunngitsunik nutaamik ingerlatsisoqalernerani allanik aningaasartuuteqartoqarnikuugaluartoq. Tamatumani ilaatigut pineqarput isumannaallisaanermi suliaqarpoq to-rersuutitsinissamillu suliaqarnerit suliffeqarfissuarmi tamarmi annertunerusumik ukkanneqalernerat. Tamakku saniatigut aningasaliinnermi ingerlanneqartut annertunerusumik ingerlanniarnerni amerlanerusunik aningaasaliisoqarnikuuvoq minnerunngitsumillu piginnaasanik ineriartortitsineq annertusarneqarnikuulluni.

Suliffeqarfiup siunissami ikummatissaqarnermik nioqquteqarnermillu ingerlatsiviini iluarsaassinnermi kinguaattoorutimik aningaasaliinissaanut maanna suliffeqarfiup isertitamigut inissisimaneq assut pingaarutillimmik inissisimavoq. Nioqquteqarnermi ingerlatsiviup iluarsaassinissamik kinguaattoorutai 300 mio DKK-nik naleqarput, kiisalu ikummatissaqarnermik ingerlatsivimmi 200 mio DKK-nik naleqarlutik. Aningaasanik taamak amerlatigisunik aningaasaliisoqarnissaanik pisariaqartitsinnermi suliffeqarfiup isertitamigut akiliutissaqarsinnaaneranut tunngatillugu annertuumik ukkassineq pisariaqarpoq.

Aningaasaliisarnermi ukiut tamaasa aningaasarpasut illikartinneqartaraluartut aningaasaliissutit tamaasa atornissaat eqqarsaatigalugu ajornartorsiorfiugajuppoq, tassami sanaartornissami akuersissutit pissarsiarineqarsimangikkaangata imaluunniit sanasussat nunaqarfinnukarsinnaasut pissarsiariuminaakkaangata aningaasaliissutit atunngitsoorsinnaasarpot.

Maanna suliffeqarfiup aningaasaqarnermigut ineriartornera suliffeqarfiup periusissiornermini anguniagasatut ersarissumik siunnerfeqarneraneersuuvoq. Periusissiornermi pingaarnertut anguniagaavoq suliassat siunnerfigisat naleqartitallu tunngavigalugit ingerlatsisoqarmat, taamaalilluta niuernermit ingerlatsinitsinni nutaaliaanerusumik ingerlatsissalluta kiffartuussinerpullu ingerlatissallutigu pisisartunik annertuumik qitititsilluta.



Qulaani takuneqarsinnaavoq ukiuni tallimani kingullerni ukiup affaani nalunaarusiarisartakkatsinni aningaasartuutigisimasavut. Ineriartornermi takuneqarsinnaavoq eqqaaneqareersutut ukiuni kingullerni nutaanik amerlasuunik sammisaqaleraluarluta ukiuni pingasunik kingullerni aningaasartuutivut sulii 20,0 mio DKK-nik ikinnerupput.

Ukiup affaata matuma naatsorsuiffiusup naalernerani KNI-p akiitsorsinnaanermi 762,0 mio. DKK-nik akiitsorpoq ukiumi siuliani 788,4 mio. DKK-usoq – akiitsorsinnaanermik atuisinnaanerup iluani 26,0 mio. kr.-inik ikileriarfiulluni.


Ukiuni naatsorsuuteqarfiusumi 2016/17-imi angusassat eqqarsaatigalugit 31. marts 2017 tungaanullu uki-umoortumik naatsorsuuteqarfiusup naanissaata tungaanut aningaasanik atuinissaq eqqarsaatigalugu, naatsorsuutigineqarpoq akiitsut ernialersukkat 30 -40 mio. DKK-nik appariaateqarsimanissaat ukiumi naatsorsuuteqarfiusumi 2015/16-imi akiitsuusimasunut sanilliullugu.

Suliffeqarfiup nammineq aningaasaatai 1.109,5 mio. DKK-iupput, ukiullu affaani 257,5 mio. DKK-nik sunerneqarsimallutik aningaasanik nalilinnik niuerutit eqqarsaatigalugit, akileraarutissap illuartitap ilanngaatinissaa sioqqullugu.

Aningaasanik nalilinnik niuerutigineqartartut tassaapput ikummatissanik immikkoortortaqarfimmi ikummatissamik allamiullu aningaasaataasa nalinginik qularnaarinerit, ikummatissat imerpalasut akiisa aalaakkaasumik inissisimanissaat qulakkeerumallugu. Tamakku niuerutiginerini nalingi ullormi naatsorsuusiorfiusumersut nammineq aningaasaatit nalinginut ilanngunneqartarput.

Taamatuttaaq suliffeqarfik ernianut tunngatillugu qulakkeerininniartarpoq, erniat annertuumik nikerarsinnaanerannut illersorniarluni. Qularnaarinerit tamakku niuerfinni akii ullormi naatsorsuiffiusumi toqqaanartumik inissinneqartarput namminerlu aningaasaatit inissinneqartarlutik.

Ataani takuneqarsinnaavoq ukiuni kingullerni tallimani ukiup affaanut nalunaarusiortarnitsinni akiliisnaasutsip ineriartornera.



Tassani ersippoq ukiuni kingullerni akiliisnaasuseq qaffariartorsimasoq, tamannalu tunngaveqarpoq suliffeqarfiup nammineq aningaasaataanut niuerfinni ineriartornerup sunniinerat.

Suliffeqarfiup ineriartornissaanut ilimagisat

Ukiup affaanut nalunaaruterput tunngavigalugu ukiumi naatsorsuiffimmi 2016/17-imi angusat tamarmiusut pitsaasumik ineriartuinnarnissaat naatsorsuutigaarput, upperaarpullu suliffeqarfiup periusissiornermini suli-aqarnermini angusassat pitsaasut tunniussinnaajumaarivut.

Aningaasaqarnermi pitsaasumik ineriartornermi pineqarput akileraarut suli akilernagu angusat, suliffeqarfiup nammineq aningaasaataanik ernialersuineq kiisalu akiliisinnaassutsip ineriartornera.

KNI A/S-ip naatsorsuutigaa ukiumi naatsorsuuteqarfiusumi 2016/17-imi ukiup affaani angusassat anguneqarumaartut, taamaalilluni ukioq tamakkerlugu akileraarut sioqqullugu 105 - 110 mio. kr.-nik sinneqartooru-teqarnissaq siunertaareersutut anguneqarsinnaassalluni